





蘇軾正誼釋唐柳先生文集卷之三十五

啓

上廣州趙宗儒尚書啓一本啓上更

某放其天罰深重餘息苟存元和元年子厚母盧氏卒于永州沉竄竊罪朝不

圖又伏謁無路不任荒恋之誠伏念宗元初授御史之日尚書

與杜司空杜黃裳先賜臨顧光耀里閭下情至今尚增惶惕頃以

黨與進退投竄零陵囚繫所迫不得歸奉松檟哀荒窮毒人理

所極親故遺忘音望况於他人朝夕之急饘粥難繼饘音延切宗

祀所重不敢死亡偷視累息已逾數月伏以尚書德量弘納義

風遠揚收撫之恩始於枯朽敢以餘喘上累深仁伏惟惻然見



哀使得存濟悽悽荒懇悽音婁恭謹貌一日勤也叩顙南望竊以動心於無

情之地施惠於不報之人古烈尚難况在今日而率然干冒決

不自疑者盖以聞風之日久嚮德之誠至振高義於流俗之外

合大度於古人之中獨有望於閣下而已非敢以尋常祈向之

禮當大賢匍匐之仁匍音扶又音蒲匍音伏又蒲墨切詩云凡民有喪匍匐救之夙夜忖度

果於自卜方在困辱不敢多言伏紙惶恐不勝戰越謹啓

上西川武元衡相公謝撫問啓

某竊某愚陋狂簡不知周防失於夷途陷在大罪伏匿嶺下于

今七年追念往愆寒心飛魄幸蒙在宥得自循省豈敢徹聞於

廊廟之上見志於樽俎之際以求心於萬一者哉相公以含弘

光大之德廣博淵泉之量不遺垢汚光賜榮示奉讀流涕以懼

以悲屏營舞躍不敢寧處屏步丁切屏營恐懼貌是將收孟明於三敗左

秦孟明伐鄭晉敗孟明于殽及三年孟明伐晉晉敗于彭衙坎年孟明伐晉清河焚舟晉師不出責曹沫於一

舉沫莫貝莫風二切史記曹沫為魯將與齊戰三敗北莊公十三年與齊相公盟子柯沫執匕首切桓公公乃詐盡歸魯之

侵俾折脅贖脚之倫贖音批刑名前漢鄒陽上書司馬喜贖脚於宋宰相中山范睢拉脅折蓋於魏卒為

應得自拂飾以期效命於鞭策之下此誠大君子并容廣覽棄

瑕錄用之道也自顧尋鈍無以克堪祗受大賜豈任負戴精誠

之至炯然如日拜伏無路不勝惶惕輕冒威重戰汗交深

謝襄陽李夷簡尚書撫問啓

某啓當州負外司馬李幼清傳示尚書委曲特賜記憶過蒙存



問捧讀喜懼浪然涕流

浪音

慶幸之深出自望外伏惟尚書鶚

立朝端風行天下入統邦憲出分主憂控此上游式是南服凡

海內奔走之士思欲修容於轅門之外躡履於油幢之前

譬之涉蓬瀛登崑閬

閬音浪海中三神山曰蓬萊方丈瀛州又崑崙山有三角一角正北名閬風巔一角

正西北名玄圃堂一角正東名崑崙宮不可得而進也某負罪淪伏聲銷跡滅固

世俗之所棄親交之所遺敢希大賢曲見存念是以展轉歛歔

晝詠宵興願為厮役以報恩遇瞻仰仰霄漢邈焉無由網羅未

解縱羽翼而何施囊檻方堅雖虎豹其焉往不任踊躍懇戀之

至謹奉啓起居輕贖威嚴倍增戰越

賀趙江陵宗儒辟符載啓

左傳願以問執  
詠德者之口

君仗聞以武都符載為記室天下立志之士雜然相顧

歎息知為善者得其歸嚮流言者有所間執直道之所行義風

之所揚堂堂焉實在荆山之南矣幸甚幸甚夫以符君之藝術

志氣為時聞人才位未會盤桓固久中間因緣陷在危邦與時

偃仰不廢其道

符載為韋臯支使時為劉闢真贊云行義則固輔仁則通它年良覲麟閣之中及闢敗載素服

請罪高崇文以其贊有行義輔仁之語禮而釋之而為見忌嫉者橫致唇吻房給事以

高節特立明之於朝王吏部以清議自任辨之於外然猶小人

浮議困在交戟

前漢劉向傳註交戟謂守衛者

凡諸侯之欲得符君者城隍壤

接而惑於騰沸環視相讓莫敢先舉及受署之日則皆開口垂

臂帳望悼悔譬之求珠於海而徑寸先得則衆皆快然罷去知



奇寶之有所歸也嗚呼巧言難明下流多謗一本作訕字自非大君子出世之氣則何望焉瞻望清風若在天外無任感激欣躍之至輕瀆陳賀不勝戰越不宣

與邕州李域中丞論陸卓啓

某啓伏以至公之道施恩而不求報獎善而不為功所以振宣幽光激勵頹俗誠大君子所蓄積也竊見故招討判官試右衛曹參軍陸卓生稟清操長於吏理累仕所至必有休聲至一本作日有一再舉府曹績用茂著頃以狂賊李元慶劫留後擅樹兇徒搆災翦禍期在旦夕一夫見刃莫為已用而卓以此時特立不懼終前強暴以寧師人既而不幸嬰疾物故不獲一日趨

事以受其職有功未報有善未錄伏承閣下言論之餘其所嗟異優給家屬恩禮特殊行道之人皆所欽伏儻錄其事跡奏一贈官使懷憤之魂知感恩於地下秉志之士思受命於門庭足以勸獎三軍豈止光榮一族伏惟不棄狂瞽特賜裁量幸甚幸甚某與卓未嘗相識敢率愚直以期至公輕黷威嚴伏增戰悚謹啓

謝李中丞啓安撫崔簡一本作謝李中丞安撫崔簡戚屬啓

某啓伏見四月六日敕刺史崔簡以前任賊罪決一百長流驩州伏奉去月二十三日牒崔簡家口牒州安存并借官宅什器差人與驅使伏惟中丞以直清去敗政以惻隱撫窮人罪跡暴



著則按之以至公家屬流離則施之以大惠各由其道咸適于  
中威懷並行仁義齊立繩愆糾繆列郡肅澄清之風匡困資無  
闔境知噢咻之德潘云與乞六切又夾遇切休音休又許主切左氏作燠休注齋念之聲凡在廵  
屬慶懼交深伏見崔簡兒女十人皆柳氏之出簡之所犯首未  
知之蓋以風毒所加漸成狂易音不知畏法坐自抵刑各爲賊  
隨卒無儲蓄得罪之日百口熬然叫號羸頓不知所赴儻非至  
仁厚德深加憫恤則流散轉死期在須臾某幸被縲囚久沐恩  
造至於骨肉又荷哀矜循念始終感懼無地謹勒祗承人沉澹  
奉啓陳謝下情輕瀆

上湖南李中丞啓

一本啓字上  
有不廩食字

某啓某嘗讀列子書有言於鄭子陽者曰列禦寇蓋有道之士  
也居君之地而窮君不好士使之然乎子陽於是以君命輸粟  
於列子列子不受出列子說符篇固常高其志又讀孟子書言諸侯之  
於士曰使之窮於吾地則賙之賙之亦可受也又怪孟子以希  
聖之才命代而出不卓然自異以潔白其德取食於諸侯不以  
爲非斷而言之則列子獨任之士唯已一毛之爲憂故遁以自  
免孟子兼濟之士唯利萬物之爲謀故當而不辭今宗元處則  
無列子之道出則無孟子之謀窮則去讓而自求至則捧受而  
無慙斯固爲貪凌苟冒人矣董生曰明明求財利唯恐困乏者  
庶人之事也董仲舒策云是皆詬耻之大者而無所避之何也以爲



士則熱辱為農則斥遠無伎不可以為工無貨不可以為商抱  
大罪處窮微音以當惡歲而無廩食又不自列於閭下則非所  
以待君子之意也伏惟覽乎陽孟子之說以垂德惠無使惶惶  
然控于他邦重為董生所笑則縲囚之幸大矣

上桂州李中丞薦盧遵啓

凡士之當顯寵貴劇則其受賜於人也無德心焉何也彼將曰  
吾勢能得之是其所出者大而其報也必細居窮厄困辱則感  
槩捧戴萬萬有加焉是其所出者小而其報也必巨審矣故凡  
明智之君子務其巨以遺其細則功業光乎當時聲名流乎無  
窮其所以激之於中者異也若宗元者可謂窮厄困辱者矣世

得似此有  
致

皆背去顯顯野獨賴大君子以明智垂仁問訊如平生光耀  
固鍾若被文繡嗚呼世之知止足者鮮矣既受厚遇則又有不  
已之求以黷閭下之嚴威然而亦欲出其感槩捧戴而效其巨  
者伏惟閣下留意裁擇幸甚幸甚伏以外族積德儒厚以為家  
風周濟之間兄弟三人咸為帝者師鮮見前送孝仁之譽高於  
他門伯舅叔仲咸以孝德通于鬼神為文士所紀述相國彭城  
公嘗號于天下名其孝以求其類則其後咸宜碩大光寵以充  
神明之心今乃彫喪淪落莫有達者豈與善之道無可取耶老  
云天道無親獨內弟盧遵常與善人其行類諸父靜專溫雅好禮而信飾  
以文墨達于政事今所以聞於閣下者無忤於心無愧於色焉



以宗元棄逐枯槁故不求遠仕務顯名而又難乎其進也竊高  
閣下之舉賢容衆故願委心焉則施澤於遵過於厚賜小人也  
遠矣以今日之形勢而不廢其言使遵也有籍名於天官獲祿  
食以奉養用成其志一舉而有知恩之士二焉可不謂務其巨  
者乎伏惟試詳擇焉言而無實罪其敢逃一本罪字下有也字  
逃字下有謹字  
進退恐懼不知所裁不宣謹啓

京本校正註釋唐柳先生集卷之三十五

京本校正註釋唐柳先生集卷之三十六

啓

上權德輿補闕溫卷啓時年十八一本啓  
字上有次進退字

補闕執事宗元聞之重遠輕適賤視貴聽所由古矣切以宗元  
幼不知耻少又躁進拜揖長者自于幼年是以造俊造之末跡  
建初厠牒計之下列賈藝求售賈音  
古闕無善價闕音  
覓二切載文  
筆而都儒林者匪親乃舊率皆携撫相示談笑見昵啞啞  
於祈切逡  
為達者啞啞一角切  
於祈切無乃覩其樸者鄙其成狎其幼  
者薄其長耶將行不拔異操不砥礪學不該廣文不炳燿實可  
鄙而薄耶今鴛鴦充朝而獨干執事者特以顧下念舊收接儒



素異乎他人耳敢問厥由庶幾告之俾識去就幸甚幸甚今將  
慷慨激昂奮攘布裘縱談作者之趨曳裾名卿之門抵掌裁弁  
厚自潤澤進越無惡汗達者之視聽狂狷愚妄固不可為也復  
欲俛默惕息疊足榻翼拜祈公侯之間跪邀賢達之車竦魂慄  
股兢恪危懼榮者倦之彌忿厥心又不可為也若慎守其常確  
執厥中固其所矣則又色平氣柔言訥性魯無特達之節無推  
擇之行瑣瑣碌碌一孺子耳孰謂其可進孰謂其可退抑又聞  
之不鼓踴無以超泥塗不曲促無以由險艱不守常無以處明  
分不執中無以趨夷軌今則鼓踴乎曲促乎守其常而執厥中  
乎浩不知其宜矣進退無倚宵不遑寐乃訪于故人而咨度之

其人曰補闕權君著名踰紀行為人高言為人信力學談文

切時儕稱雄時一本子亟拜之足以發揚對曰東燕石而覆玄

圃宋人得燕石以為寶周客觀之笑曰此燕石也與瓦帶魚目

而游漲海文選盧諶詩序夜光報於魚目抵取誚耳曷予補乎

其人曰跡之勤者情必生焉心之恭者情必報焉况子之文不

甚鄙薄者乎苟或歡以奉之恭以下之則必勗勵爾行輝耀爾

能言為建瓴建音魯瓴音零晨發夕被聲馳而響溢風振而草

靡可使尺澤之鯁研奚切奮鱗而縱海密網之鳥舉羽而翔霄子

之一名何足就矣庶為終身之遇乎曷不舉馳聲之資挈成名

之基授之權君然後退行守常執中之道斯可也愚不敏以為



信然是以有前日之拜又以為色取象恭大賢所厭朝造夕謁  
大賢所倦性頗踈野竊又不能是以有今茲之問仰惟覽其鄙  
心而去就之潔誠齋慮不勝至願謹再拜

上大理崔大卿應制舉啓

一本啓字上有不敏字

古之知己者不待來求而後施惠舉能而已其受德者不待成  
身而後拜賜感知而已故不叩而享不介而合則其舉必至而  
其感亦甚斯道遁去遼闊千祀何為乎今之世哉若宗元者智  
不能經大務斷大事非有恢傑之才學不能探奧義窮章句為  
腐爛之儒雖或實力於文學勤勤懇懇于歲時然而未能極聖  
人之規矩恢作者之間見勞費翰墨徒爾拖掖曳大帶游於

微光切之不凡  
是策為人之  
語

明曲且有愧色豈有能乎哉閣下何見待之厚也始者自謂  
無用之文戴不肖之容雖振身泥塵仰瞻雲霄何由而能哉遂  
用收視內顧頽首絕望頽與甘以沒沒也今者果不自意他日  
瑣瑣之著述幸得流於衽席接在視聽閣下乃謂可以蹈遠大  
之途及制作之門決然而不疑介然而獨德是何收採之特達  
而顧念之勤備乎且閣下知其為人何如哉其貌之美陋質之  
細大心之賢不肖閣下固未知也而一遇文字志在濟拔斯盡  
古之知己者已故曰古之知己者不待來求而後施德者也然  
則亟來而求者誠下科也宗元向以應博學宏詞之舉會閣下  
辱臨考第司其升降當此之時意謂運合事并適丁厥時其私



心日以自負也無待閣下以鯤鱗之勢不容尺澤悠爾而自放廓然而高邁其不我知者遂排逐而委之委之誠當也使古之知己猶在豈若是求多乎哉夫仕進之路昔者竊聞于師矣太上有專達之能乘時得君不由乎表著之列而取將相行其政焉其次有文行之美積能累榮不由乎舉甲乙歷科第登乎表著之列顯其名焉又其次則曰吾未嘗舉甲乙也未嘗歷科第也彼朝廷之位吾何修而可以登之乎必求舉是科也然後得而登之其下不能知其利又不能務其往則曰舉天下而好之吾何為獨不然由是觀之有愛錐刀者以舉是科為悅者也有爭尋常者以登乎朝廷為悅者也有慕權貴之位者以將相為

悅者也有樂行其政者以理天下為悅者也然則舉甲乙歷科第固為末而已矣得之不加榮喪之不加憂苟成其名於遠大者何補焉然而至於感知之道則細大一矣成敗亦一矣故曰其受德者不待成身而後拜賜然則幸成其身者固末節也蓋不知來求之下者不足以收特達之士而不知成身之末者不足以承賢達之遇審矣伏以閣下德足以儀世才足以輔聖文足以當宗師之位學足以冠儒術之首誠為賢達之表也顧視下輩豈容易而收哉而宗元樸野昧劣進不知退不可以言乎德不能植志於義而必以文字求達不可以言乎才秉翰執簡敗北而歸不可以言乎文登場應對刺繆經旨刺力葛切華也不可以



言乎學固非特達之器也。忖省陋質，豈容易而承之哉！叨冒大  
遇，穢累高鑒，喜懼交爭，不克寧居。竊感荀瑩如實出已之德，音  
聖左傳成公三年荀瑩之在楚也。鄭賈人有將實稽中以出。既謀之未行而楚人歸之。賈人如晉荀瑩善視之如實出已。敢  
希豫讓國士遇我之報。史記伏候門屏，敢俟招納。謹奉啓，以代  
投刺之禮。伏惟以知已之道，終撫薦焉。不宣。宗元謹啓。

上裴晉公度獻唐雅詩啓

宗元啓。伏以周漢二宣中興之業，歌於大雅，載在史官。然而申  
甫作輔，方召專淮夷之功。申伯甫侯魏祁謀。蔡辛趙致罕。羗之  
績。魏相祁吉辛武賢趙充國潘云罕許文武所注，中外莫同。伏  
惟相公天授皇家，聖賢克合。謀叶德一，以致太平。入有申甫，魏

祁之勤，出兼方召辛趙之事。東取淮右，平吳元北服恒陽。恒陽

也。謂成德節度使王承宗略不代出，功無與讓。故天下文士皆

願秉筆，續勤思慮，以贊述洪烈。闡揚大勳，宗元雖敗辱斥，逐守

在纒，奮猶欲振發枯槁，決疏潢汙，整效蚩鄙。少佐豪髮，謹撰平

淮夷雅二篇，恐懼不敢進獻。私願徹聲聞于下，執事庶宥罪戾，

以明其心。出位僭言，惶戰交積，無任踴躍屏營之至。不宣。宗元

謹啓

上襄陽李僕射勳獻唐雅詩啓

宗元啓。昔周宣中興，得賢臣召虎，師出江漢，以平淮夷。故其詩  
曰：江漢之訥，王命召虎。訥音虎。召與祁同。其卒章曰：于周受命，自召祖



命以明虎者召公之孫克承其先也。今天子中興而得閣下，亦出江漢以平淮夷，克承于先西平王。李成封西平王，愬之父也。其事正類然，而未有嗣大雅之說以布天下，以施後代，豈聖唐之文雅獨後於周室哉？宗元身雖陷敗，而其論著往往不為世屈，意者殆不可自薄自匿，以墜斯時，苟有輔萬分之一，雖死無憾。謹撰平淮夷雅二篇，齊沐上獻，誠醜言淫聲，不足以當金石庶繼代洪烈，裨官里人得採而歌之。裨，蒲懈切。前漢志：小說家者流，蓋出於言也。王者欲知閭巷風俗，故立裨官，使稱說之。又國語云：為里人所命，次注里宰也。不勝憤踊之至，輕瀆威重，戰越交深，謹啓。

上揚州李吉甫相公獻所著文啓

閣下為尚書，即薦寵下輩士之顯於門闥者，以十數。而其尚幼，不得與於斯役。及閣下遭讒，始在外十餘年，又不得薄伎於前，以希一字之褒貶公道之行也。閣下乃始為贊書，訓辭擅文雅於朝，以宗天下。永貞元年，李吉甫為考功郎中，知制誥。十二月為中書舍人，翰林學士。而某又以此時去表著之位，受放逐之罰，荐仍囚錮，視日請命，進退違背，思欲一日伏在門下，而不可得，常恐抱斯志以沒卒，無以知於門下，冥冥長懷，魂魄幽憤，故敢及其能言，貢書編文，冒昧嚴威，以畢其志。伏惟觀覽焉，幸甚，閣下相天子，致太平用之郊報，則天神降地，祇出用之經邦，則百貨殖萬物，成用之文教，則經術興行用之武事，則暴亂翦滅，依倚而冒榮者。



盡去幽隱而懷道者畢出然後中分主憂以臨東諸侯而天下

無患元和三年九月李吉甫罷為淮南節度使盛德大業光明如此而又有周公接

下之道斯宗元所以廢錮濱死而猶欲致其志焉閣下倘以一

言而揚舉之則畢命荒裔固不恨矣謹以雜文十首上獻縲囚

而干丞相大罪也寧為有聞而死不為無聞而生去就乖野不

勝大懼謹啓

謝李吉甫相公示手札啓

宗元啓六月二十九日衡州刺史呂溫道過永州辱示相公手

札省錄狂瞽收撫羈縲沐以含弘之仁忘其進越之罪感深益

極增悲五情交戰不知所措宗元質性庸塞行能無取著

每成於廢疾進德且乏其馨香常願操筆醫門操卷乃切

切掬溜蘭室良辰不與夙志多違昨者踴躍殘魂奮揚蓄念激

以死灰之氣陳其弊箒之詞詞本作箒同箒正酉切曹子建書云家有弊箒享之千金致之

煙膏分絕流眄今則垂露在手清風入懷華袞濫褒於赭衣音赭

有前漢注犯龍門俯收於培井潘云培坎陷二音在子獨不聞夫陷井之姓藻鏡洞

開而秋毫在照文津傍暢而寒谷生輝化幽鬱之志若覲清明

換兢危之心如承撫薦非常之幸豈獨此生伏以淮海劇九天

之造瀟湘參百越之俗傾心積念長懸星漢之上流形委骨永

淪魑魅之群魑抽知切魅莫覲切韓文云居蠻夷之地與魑魅為群何以報恩唯當結草

左傳魏無任喜懼感戀之至



上江陵趙相公寄所著文啓趙宗儒

宗元啓宗元往者嘗侍坐於崔比部崔鵬字元翰聞其言曰今之為

文莫有居趙司勳右者貞元年趙宗儒自翰林學士再迁司勳負外郎自是恒欲飾其

所論著薦之閣下病其未就將進且退者殆十數焉幸以廢逐

伏匿獲伸其業類於向者若有可觀然又以罪惡顯大其死荒

野不能出其固陋以求知於閣下則固昧昧徒生於世矣謹獻

雜文十首倘還以數字定其是非使得存於世則雖生與蠻夷

君魂與魍魅游所不辭也輕瀆威重伏增惶灼一本作謹啓

上嚴東川奇劔門銘啓嚴礪

宗元伏惟僕射以仁厚蓄生人以勇義平國難而劔門用兵之

最為天下唱首取其險固為我要衝元和元年礪以山南西道節度討劉闢拔劔門

斬其刺史文昭德因分守險阻潰其腹心王師得以由其門而入仿佯布獲仿旁勞切布溲散也

遂無留滯是閣下之勳力宜著於萬祀而不已也

宗元負罪俟命晷刻觀望道里深遠不得悉聞當時之威聲然

而竊以累受顧念踴躍盛德恐沒身炎瘴卒無以少報於閣下

是以晝夜恟恟平上二音恐也不克自寧今身雖敗弃庶幾其文猶或

傳於世又焉知非因閣下之功烈所以為不朽之一端也敢默

默而已乎謹撰劔門銘一首惶恐獻上誠無以稱宏大之略亦

足以發平生之心不勝慚懼戰越之至  
上江陵嚴司空獻所著文啓嚴綬



宗元啓伏念往歲司空由尚書郎出貳太原宗元獲於天長名弊  
也專用候謁伏蒙叙以世舊許造門闌自後司空累膺寵榮位  
極公輔宗元得罪朝列竄身湘南霄漢益高泥塵永弃瞻仰遼  
絕陳露無由司空統臨舊荆控制南服道路非遠德化所覃是  
敢奮起幽淪仰希光耀伏惟憫伶孤賤特肆撫存則縲紲之辱  
有望蠲除嗚吠之能猶希效用謹獻雜文七首伏惟以一字定  
其褒貶終身之幸無以加焉上瀆威嚴伏增戰越

上嶺南鄭相公所著文啓鄭綱

宗元啓伏見與當州韋使君書猥賜存問驚忤悼懼交動於中  
猶念竟日若無容措幸甚幸甚宗元素乏智能復闕周慎一自

得罪八年于今兢愧弔影追咎既往自以終身逃竄無跡自明

不意相國垂愍特記名姓守突奧者忽仰瞻於白日潘云奧於

叶切爾雅西南隅謂之奧東南隅謂之突郭璞云負泥塗者遂

自濯於清源快心暢目不知所喻伏以聖人之道與其進也不

保其往故敢藻飾文字洗滌心神致之門下祇俟嚴命伏惟收

撫獎勵以成其終謹獻雜文三十六首冒昧上瀆無任踴躍惶

恐之至

上李中丞所著文啓即湖南李中丞

宗元啓宗元無異能獨好爲文章始用此以進終用此以退今  
者畏罪悔咎伏匿惴慄猶未能去之時時舉首長吟哀歌舒泄



幽鬱因取筆以書，紉韋而編，中切略成數卷，伏念閣下以文章  
昇大僚，統方隅，而宗元幸緣罪辜，得與編人齒於部內，不以此  
時露其所為，以希大君子顧視，則為陋劣而自弃也。敢飾近文  
及在京師，官命所草者，凡三卷，合四十三卷，不敢繁故也。倘或  
以為有可采者，當繕錄其餘，以增凡席之污，去就鄙野，伏用兢  
惶謹啓。

上裴行立中丞撰訾家洲記啓

訾即移切  
又音紫

右伏奉勅，分令撰訾家洲亭記，伏以境之殊尤者，必待才之絕  
妙，以極其詞。今是亭之勝甲於天下，而猥顧鄙陋，使為之記，伏  
受嚴命，不敢固讓，退自揣度，惕然汗流，累奉游宴，切觀物象，涉

旬，有擬不得萬一，竊伏詳忖，進退若墜，久稽篆刻，則有違慢之

辜，速課空薄，又見踈蕪之累，慙期廢事，尤所戰慄，慙與謹修撰

訖，上獻退自跼蹐，音局不知所裁，無任隕越，惶恐之至。

上河陽烏尚書重胤欲獻文啓

一本作上河  
陽烏尚書啓

宗元啓，伏以尚書以碩德偉才，代著勲烈，兩河定亂，三城建功，

烏重胤少為路州牙將，盧從史奉詔討王承宗，陰與城通，元和

五年重胤縛從史，以獻憲宗，嘉重胤力，擢帥河陽，週陽有三成

城，節度使鼎彝竹帛，未足云紀，進臨汝上，元和九年以重胤

陽淮汝節度使控制東方，隱然長城，朝野倚賴，宗元雖屏弃遐壤，

而飽聞德聲，所恨不獲親執鞭弭，以備戎伍，潘云弭音救，左氏

其左執鞭弭注弭緣者，弓未無夙夜踴躍，不克寧居，伏以威稜所加，狂狡已震，元濟莫



大之績重復增崇小子又以文字進身嘗好古人事業專當具  
筆札拂縑緗音兼贊揚大功垂之不朽瞻望霄漢亦慕交深冒  
瀆威嚴伏增戰越

京本校正註釋唐柳先生集卷之三十六

京本校正註釋唐柳先生集卷之三十七

表

禮部為百官上尊號表

憲宗即位宗元尚為禮部員外郎豫  
作此表後元和三年憲宗方上尊號

氣可成

臣某言伏以聖王之纂承天位也臣子必竭懇誠獻尊號安敢  
為佞禮在其中一則以告天地神祇二則以奉宗廟社稷三則  
以安華夏音華大稱其可廢乎臣等誠懼誠望頓首頓首  
伏惟皇帝陛下叶周文之孝德齊大禹之約身弘帝堯之法天  
過殷湯之解網未逾周月四海將致於時雍爾及元正率土更  
欣於再造然神人之願億兆之情有所不安率謂未盡善者以



為帝德廣運而尊號猶闕郊廟備禮而祝嘏無辭古凡百號  
懷華夷屬望臣謹按昔皐陶之頌舜尹尹之頌湯皆臣子至公  
而揚君父以敷於當代以播於無窮夫豈飾哉率由事實帝王  
尊號蓋漸於此皇家光被四表祖宗列文時當太和尊號表德  
耳目所接簡牘斯存稽之於前典則如彼考之於聖朝又如此  
今龜筮習吉元正戒期當品物惟新之時乃皇王大禮之日陛  
下郊天地饗宗祧他周切陰陽協和動植交暢不建至尊之稱  
切証恐違列聖之心所以臣等冒死陳聞請上徽號伏惟陛下  
小謙讓之節安延全之情特詔名儒禮官百寮庶尹詳明故實  
議宗聖德則人望允厭神心獲安山川效靈光贊無疆之壽祀

一本作永彰不朽之功臣等蒙國寵榮備位班列無任  
懇望之至

### 第二表

臣其等言臣等再陳丹懇請獻鴻各天心未從隕越無措臣其  
誠惶誠恐頓首頓首謹按堯曰咨爾舜舜曰格爾禹湯曰吾自  
甚武自號曰武王出史記則堯舜禹湯皆當時王者之號也考  
皇帝之故實徵往聖之憲章允協禮經煥乎圖牒伏惟皇帝陛下  
下允恭克讓約已謙尊參天兩地之功為而不有安上理人之  
德置而不論至心王言非群下所仰望也然臣等伏以為尊號  
者所以類上帝饗祖宗萬人所稱百蠻所仰表聖德於率土播



天聲於無疆臣下請之之謂禮帝王承之之謂孝孝大於讓禮  
先於謙百王不刊之典安可得而廢也臣等又以春秋本於五  
始元者一歲之首春者四時之首王者受命之首正月者政教  
之首郊天大禮者立極之首今天地交泰俯臨元辰正始之美  
正當其運陛下確違群願固守謙冲此臣等所以兢惕失圖惴  
惴無措上冒嚴憲敢逃厚責伏乞俯垂天聽察納微誠詔禮官  
議臣所請揆日推禮虔奉鴻休盡敬於此猶恐天光未照三獻  
無徵彷徨闕庭伏待斧鑕職日切無任僉望之至

禮部賀冊尊號表

元和十四年作宗元判為柳州刺史當題云柳州賀冊尊號表

伏奉月日制陛下膺受尊號率土臣子慶抃無窮臣聞  
德之大四海無以報神功配天之尊萬物不能崇聖德唯有微  
號是彰中興所以上探天心下極人欲謝伏惟元和聖文神武  
法天應道皇帝陛下統承千載光被六幽蠹賊盡除福應皆集  
有首有趾咸識太平勲臣增爵祿之榮戎士加賞延之寵片善  
必錄微功盡昇獨惟聖謨事絕酬答萬國缺望童云缺古况切又窺腫切百  
工怨思是以啓元和之盛典延昊窮之景祚理歷疑命寔曰聖  
文和衆定功特惟神武運行有法天之用變化乃應道之方鬼  
神協謀夷夏同志大禮既建鴻恩遂行歡呼遠布於九圍即  
滂灑普周於八裔參所禁切又所帛切慶超遂古美冠將來臣



獲守靈荒遠承大典潢汚比陋河清幸遂於千年塵壤均微山  
呼願同於萬歲無任慶賀屏營之至屏步

為京兆府請復尊號表三首德宗時宗元為藍田尉作

臣某言某月日諸縣耆老某等若干人詣臣陳狀辭意迫切以  
陛下尊號未復請詣闕上表者人心已鬱安可久違天意實勤  
諒難固拒撫狀感悅深契微誠臣某誠懇誠迫頓首頓首伏惟  
皇帝陛下聖神之功貫於天地文武之道超乎古今德宗建中  
元年  
上尊號曰聖文神武皇帝興元元年  
詔中外書奏不得言聖文神武之號盛德愈大而謙光益深玄  
化已成而微號未復遂使神祇缺望人庶怨思沐浴鴻澤者敢  
懷刻之安據戴皇恩者不知寢食之適負愧懷憤萬方一心

白日以驚遠陸星歲况今地不愛寶致百穀之豐穰天惟降

呈衆瑞而繁委汚萊瘠鹵之地混成大田潘云萊作來瘠秦亦  
切薄也鹵即古切鹹

鴻草木蟲獸之微化為神貺萬靈垂鑒昭然甚明此而不從臣

所大惑矧又兵戎未戢夷狄咸懷煦然長春昭一本  
作熱樂以終日

是以耆老等深感聖育踴躍不寧上奉天恩跼蹐知懼跼蹐音  
局脊

頓顙闕下願復鴻名不謀而同無期而至此皆上玄幽贊以誘

其表列聖垂靈以悟其意臣以為陛下當敬于斯旨不可忽也

臣又伏以陛下賞功與能舉賢出滯小言不廢片善是褒豈可

使臣子之效雖微而必旌君父之德盡美而無稱凡在覆載本

此下更有孰不勝懇切恐懼之至一本恐懼  
作恐陳謹封耆老等狀奉



表昧死陳請以聞謹言

第二表 闕

第三表

臣某言臣伏以耆老等並發丹誠將貫白日請復徽號以光聖  
謨臣以其懇款自中不可禁止遂抗表陳請備述微誠伏奉墨  
詔批答未蒙允許者衆心尚阻天意未從懇道逾深兢惶無措  
臣某伏惟皇帝陛下道大益謙化成彌損雖江海善下每應朝  
宗之心老子云江海所以能為百谷王者以其善下之而日月居高又稱照臨之位况  
復上承天命下覩人誠若然辭之理有不可伏以陛下功參造  
化政體乾坤萬邦宅心百靈效職此聖之至也明並兩曜信如

四時先天不違窮神知化此神之極也道德純被禮樂興行宸

軼動於三光睿藻窮於六義此文之備也五兵不試周禮五兵

西牙七德咸宣左傳襄公十二年夫武禁暴戢安保歸負固者率服此武之成也黃龍皓兔甘露慶雲神禾嘉瓜祥

蓮瑞木萬物暢遂百穀茂滋此天之至靈也黎老班白伏守闕

庭鰥寡童幼發陵謳歌道路此人之至誠也有其德而無其號

拒乎天而違乎人雖陛下謙讓之至美抑非臣心之所安也伏

以賤志難明微誠莫達哉矣彌懼獲地益慚不任懇迫屏營之

至伏願早建大號以稱天人之心謹再奉表昧死陳請以聞

為耆老等請復尊號表二首 一本無

二首字



京兆府長安縣耆老臣其等言

一本作石靈等一本作石靈等臣伏以

陛下尊號未復一十九年盛德彌光大化益被

休徵咸集福應具臻至於今歲紛綸尤盛風雨必順生長以時

五稼盡登萬方皆悅神意人事正在於斯天不可違時不可棄

臣等誠懇誠迫頓首頓首臣聞恩深必報德盛必崇以陛下九

重之尊推崇無上以陛下四海之大報效何施唯有尊名用光

聖理闕然未復誰所敢安臣心則微天意甚重伏惟皇帝陛下

體昊穹以施化慶上帝以致誠今即千祥應期百神奉職飛走

之物皆已效靈草木之類咸能應聖天命降於上人誠發於中

此而可辭敦去有奉况復野多滯穗畝有餘糧足食之慶充溢

京兆

與坻同直飢切水中可居阜財之謠歡呼於道路盡

非人力皆是天成神祇之望既勤遐邇之心又迫况臣等得生

邦甸幸遇盛明身體髮膚盡歸於聖育衣服飲食悉自於皇恩

被玄化而益深望鴻名而未覩墜倒之至夙夜不寧謹諸光順

明昧死請復聖神文武之號以副天地宗社之心使海內赤子

得安其所臣等不勝懇倒迫切之至

第三表

一本以此表補京兆府請復尊號第二表之闕

京兆府長安縣耆老臣石靈等言伏奉墨詔批臣所請復尊號

未蒙允許者捧對惶遽不知所裁天實命之於臣何有臣等誠

懇誠懼頓首頓首臣聞聖君以奉天為心不以執謙為德以順



人爲大不以崇讓爲優今陛下深拒天人之誠猶懷謙讓之道  
臣等愚惑未知所歸且百祚存臻特表昊穹之騰音倦五穀蕃  
熟用彰后土之勤億兆嗷嗷籲天請命上下交應幽明同心舉  
而違之臣所未識况臣等共被仁育同臻大和陛下德達上玄  
以豐人之衣食道躋壽域以延臣之歲年沐浴皇風二十餘載  
兒童感化鰥寡知恩故臣等出鄉之時歡呼遍野閭里勉臣以  
不進不止妻孥誓臣以不遂不歸唯竭血誠退無面目便當殞  
首闕下終不徒還伏惟陛下照臣懇道之情一本作誠字哀臣羸老  
之命臣等不勝嗚咽慙恨之至謹奉表陳謝以聞

禮部爲文武百寮請聽政表二首

順宗時藩  
本作四首

本等言曰聞大道必體於至公大孝莫高於善繼上觀列聖  
考前王罔不俯就禮文仰承大事嚴奉宗廟慰安元元然後  
德教惟新邦家永固伏惟皇帝陛下寢告泣血言詩廉切草也  
居喪以爲蓆席號慕無時貫子神明動于天地未臨庶政猶狗至誠凡在人臣  
孰不哀懼伏惟先聖遺旨俾陛下抑哀而聽政本朝乏人使臣  
等竭忠以奉上非敢懼死輒布懇詞期於必從以慰寰宇且王  
業至重軍國方敷一日萬幾不可暫闕伏願追遵顧命蹈履成  
規恢王者華夷之望順上帝乃眷之懷臣等不勝哀迫誠懇之  
至

第二表

晏元苑本據文苑英華此表  
乃是林逢請所政第三表



亦爾雅

風行水上自  
然成文

伏奉大行皇帝知陛下至性自天恐陛下執哀過毀上惟九廟  
之重下念萬務之殷故遺詔丁寧俾遵舊典今百辟卿士顯然  
在庭瞻望清光已七日矣固陳誠請猶未允從內外憂惶莫知  
所出臣聞大孝之本繼志為難酌禮之情得中為貴是以哀迷  
期數哭泣有常俯而就之聖人所重禮記檀弓上子思曰先王  
之不至焉者  
之不至焉者知難繼也君子不為同上季子宰曰貫  
道而葬後難繼也伏願少抑  
哀懷仰遵理命治也以副神祇之望以安億兆之心光祖業於  
無窮流德化於天下凡在臣子孰不悲載

又第二表

晏元獻本跋文苑英  
華此乃宗元所作

臣某等言臣聞聖凡殊塗邦家異禮故王者捨已從物用身許

天雖為遠夜

通也

猶以事奪伏以大行皇帝

謂應

道成鑄鼎

御龍

黃帝採首山銅鑄鼎荆山下昂既成有龍垂胡鬣下迎

湖萬姓長號

平

九有顛望陛下以聰明睿聖嗣守寶圖爰及宅

憂迨茲累日而孝思罔極尚輟乃雍之言

高宗諒陰三年

庶政

不言言乃雍

未釐頰闕如絲之命臣等嘗覽載籍粗知喪紀若成周顧命歷

代猶遵西漢詔音前奉

詔音一本作遺詔謂漢文  
帝遺詔令天下以日易月

我國家

以孝理天下文明應期上用此法胥以傳授蓋事歸至當則不  
可不遵禮貴從宜則不得守理固然也臣等是以上陳愚懇

輕瀆宸嚴冀遂血誠俯親國政而陛下執喪逾切聽理未聞億  
兆嗷嗷不知所訴臣以為天子之孝在於保安社稷司牧蒸黎



功超百王慶流萬代亦何必守臣下之小節茂皇王之大猷固  
阻群情務成謙德伏願以遺詔為念奪在疚之懷就臨軒之制  
天下幸甚

### 第三表

伏以萬機至重遺旨難違再獻表章上塵旒袞精誠徒竭天意  
未迴內外遑遑人神企望臣聞王者之孝異於匹夫禮不相沿  
余專切道資適變當承平之代故殷帝宅憂而不言商高遇有事  
之時則周王未葬而誓衆武王况令戎車猶駕邊候多虞兩河  
之寇盜難除百姓之瘡痍未合亂者思理危者求安天下嗷嗷  
正在今日誠宜抑其至性以副群心成先帝之大功繼中興之

更上議論

金華豈可寢苦啜泣若詩廉切庶政闕然九廟之靈何報萬方  
之望何塞臣等職參樞近誠切邦家若陛下未忍臨軒尚待前  
志臣等有死而已不敢奉詔不勝哀迫懇切之至

賀踐祚表順宗即位宗元

臣某言太子中舍嚴公弼至公弼乃山南西道奉某月日勅書

慰諭伏承陛下以某月日度奉典冊允昇寶位凡在群生孰不

慶幸臣某誠懼誠抃頓首頓首臣聞天地泰而聖人出雷雨解

而品物榮解下是以五行迭用木火更其位十葉重光宗廟輔

其德殷宗龔默再開成湯之業漢文聰明克承高祖之緒陛下

重難出曜躰乾繼統主鬯彰孝恭之美撫軍著神武之功欽承



遺訓承一本永保鴻業遺密之中施雨露以被物遐邇之地觀

日月之繼明則四維之外八極之表人神胥悅草木皆春煦嫗

生成不失覆載潘云煦于句切嫗於遇切天以氣煦地以形嫗况臣謬膺藩宇累受國

恩爰自出身洎乎領鎮沐浴聖澤優游昌時不獲覩闕庭之禮

展臣庶之分戴天賀聖倍萬恒情

禮部賀改永貞元年表宗元為禮部郎中賀憲宗

臣某等言伏奉今日詔今月九日册皇帝改貞元二十一年為

永貞元年自貞元二十一年八月五日昧爽以前應犯死罪特

降從流流已下遞降一等者寶命方始聖曆周彰載宣臨照之

明遂施潏汗之澤臣某等誠慶誠賀頓首頓首伏以重光下濟

積慶多行漢祖推奉教之尊前漢高祖紀詔曰子有天下尊

皆大公教誨也今尊大公曰太上皇文王遂無憂之志中庸無憂者其唯文王乎

正名紀曆名一本表運行於萬方有過輕刑流汪濊於四海濊

廢鳥外二切汪濊深廣也又言饒多歡呼抃蹈遐邇攸同臣某等親奉聖謨仰承

大化踊躍之至倍萬恒情無任蹈舞欣慶之至

禮部太上皇誥宜令皇帝即位賀表順宗傳位憲宗

臣某等言伏奉今日太上皇制命陛下即皇帝位光奉寶圖不

承鴻業溥天率土慶躍難勝臣某等誠喜誠抃頓首頓首臣聞

皇建其極存諸大訓帝出于震著在易經繼明以照于四方重

熙以臨於萬國動植品彙永賴昭蘇山川鬼神咸相欣戴臣某



等獲備班列親仰聖明踊躍之誠倍萬恒品無任抃躍喜慶之至

禮部賀立皇太子表

廣陵王即憲宗

臣某等言伏奉今月二十四日制廣陵郡王宜冊為皇太子改名某仍令所司擇日備禮冊命者天序有奉皇圖載寧臣某等誠慶誠賀頓首頓首臣聞商書載以貞之文漢史傳早建之議前漢文不惟立愛其在繼明一本其陛下奉率前規敷揚盛典顧茲守器之重爰正承華之位尊義方之教載錫嘉名崇建樹之禮式光典命以長而立自符於慎擇必子之選遂合于至公邦本不搖王業彌固此皆示社垂祉啟信皇心乾坤會謀保

運足以播休氣於四海洽大和於萬靈食毛含齒所同歡慶臣等奉承制命蹈舞周行踊躍之誠倍百恒品無任慶抃感悅之至

禮部賀皇太子冊禮畢德音表

貞元二十一年

臣某等言伏奉今日制皇太子冊禮云畢思與萬方同其惠澤者盛典斯舉鴻恩遂行凡在率土不勝抃躍臣某等誠喜誠賀頓首頓首伏惟皇帝陛下克奉神休以正邦統建天下之本宗廟以安致萬國之貞兆人攸賴典冊既備慶澤載流既廣愛而推恩亦好生而布德緩刑而囹圄知感進勳而嗣續增崇崇教諭之方忠良是舉嚴贊襄之禮賜與有加襄一本旌孝悌以厚



於人倫敬鬼神而修其祀事况行禮之日則屏翳收蹟太陽宣  
精用彰出震之休更表重離之曜神化旁暢皇風遠揚自華及  
夷異俗同慶臣某等謬參者定倍百恒情無任懽慶踴躍之至

為王京兆皇帝即位禮畢賀表

代王權  
賀憲宗

臣某等言臣聞大人繼明百神所以受職天子有道萬國由是  
承風伏以皇帝陛下續聖垂休順時御極負袞而會朝夷夏隱  
踴躍祚而統和天人幽明感通遐邇昭泰遂使祥光下燭嘉氣  
旁通周王謝流火之符魯史愧書雲之典食毛含齒懼抃無窮  
臣某等幸覩昌時獲奉大慶踴躍之至倍萬常情無任蹈舞欣  
躍之至

代事中丞賀元和大赦表

代末  
刺史

某言伏奉正月二日制大赦天下未貞二年宜改元和元年

天陽既昇昉資始滂澤斯降膏潤無遺臣某誠懇賀頓首

頓首伏惟皇帝陛下仁化旁流孝理弘闡紀元示布和之令肆

胥見恤人之心曠然滌瑕得以遷善渙發大號申明舊章農有

薄征市無彊價勲勤是錄爵扶以班寵寧間於幽明澤必周於

夷夏近甸輕摧酷之入遠人忘水旱之災既行慶於官寮亦推

恩於天屬諸王喜譽熟之廣庶老加絮帛之優量入所以備凶

與康期於變俗爰褒有客尊賢之典惟新詩周頌有客謂  
二王之後為客載奉

素王宗予之遠斯在記檀弓孔子曰  
天下孰能宗予綸言一降庶政畢行懷生



之倫感悅無量臣某等守在遐遠親奉詔條踴躍之誠倍百忭  
品無任感恩抃舞屏營之至

禮部賀冊太上皇后賀表 憲宗即位太上皇詔旨用之

臣某等言伏奉今日日誥良娣王氏冊太上皇后 潘云娣音弟

良媛董氏冊太上皇德妃 媛干眷切宜令所司備禮冊命者母儀

有光坤道克順陰教方行於萬國內理克和於六宮臣某等誠

慶誠賀頓首頓首伏惟皇帝陛下對若天休奉揚睿旨長秋既

登其正位 長秋皇后所居北謂王后愉狄亦被於恩光 愉音搖刻維飾服也禮記士人愉狄此謂

皇德奉養見三朝之安 禮記文王朝周旋有四皇之輔 史記天

宮四星未火星正豈獨配乾稱大助日為明所以表王倦之源

配一作弱

先考傳之本冠映千古儀刑四方臣某等捧戴施行踴躍無任  
無任蹈舞欣喜之至

禮部賀太上皇后冊畢賀表 永貞

臣某等言今日日太上皇后冊禮云畢率士臣妾慶抃無窮臣

某等誠慶誠賀頓首頓首伏以太上皇后著薦嬪之至德嗣周

母之德音表率六宮明彰萬國陛下克修理本以暢化源神道

知事地之方人倫識尊親之大豈惟婦順斯備陰禮用修其以

播正始於王風 王一本致特雍於帝典臣某等謬塵榮位獲親

盛儀踴躍之誠倍百忭品 百一本

賀皇太子 代潘鎮賀廣陵王為太子

其作



某言伏奉月日制書殿下祗膺茂典位副青宮青宮東宮也神異經曰東方有青石碧鏤題曰天地長男之宮温文光三善之名禮記文王世子篇行一物而三善皆得者唯世子而已又云恭敬而温文繼照協重南之慶萬葉固奉群方宅心含生之徒孰不欣戴况某夙蒙期獎職在藩方灌抃之誠倍萬忭品

御史臺賀嘉禾表貞元中劉濟所進

臣某言今日宰臣以幽州所進嘉禾圖各一軸示百寮者伏以嘉穀順成靈貺昭格天人合應遐邇同風臣某誠懼誠慶頓首頓首伏惟皇帝陛下睿謀廣運神化旁行植物知仁祥圖應靈獄不愆於替祐燕谷用遂於生成鄉衍泰豐稔既均知期

雨之被澤休嘉克叶見天地之同和六穗敷稱於漢臣同獲觀休瑞無任抃躍之至

禮部賀嘉禾及芝草表貞元中韋臯崔宗所進

臣某等言伏見今月某日内出劔南所進嘉禾圖及陝州所進紫芝草示百寮者迹圖煥開瑞彩交映遐邇偕至福應攸同臣某等誠慶誠賀頓首頓首伏惟皇帝陛下緝熙至道保合大和天惟發祥地不愛寶嘉禾擢實靈章抽英獻于玉庭唐叔敷同穎之異尚書云薦諸郊廟班史謝連葉之奇前漢武帝紀并泉宮生芝草九莖連葉既呈疑疑之祥潘云疑魚紀切故更觀煌煌之秀豐年期著聖



書用彰歆和之人權抃無極臣某等優游至化披翫殊姿慶抃之誠倍百恒品

京兆府賀嘉瓜白兔連理棠樹等表 貞元中

臣某言今日日中使王自寧出徐州刺史張愔愔挹滯切張建封之子所

進嘉瓜圖及白兔兒一并出陳許等州觀察使上官說所進許

州連理棠樹圖示百寮者惟天眷命是降百祥惟聖欽承用膺

多福臣某誠慶誠賀頓首頓首臣伏以大和所蒸至德斯應圖

物獻瑞周於遠方神瓜合形式綿表表之慶異棠連實用彰燁

燁之榮一本作林况金風發祥白兔來擾告有秋之嘉應著成歲於

神功雜遝紛綸深大合切雜選聚積之貌如山斯委人盡登於壽域物咸歸

於萬歲臣特感深恩欣逢衆瑞踴躍之至倍萬倍情

禮部賀甘露表 貞元二十一年宗元遷禮部員外郎字尚書城表

臣某言中使王自寧至伏奉宣聖旨出延和殿前丁香樹甘露

一大合示宰臣未時又出一大合令明日示百寮甘露見降未

正者玄化升聞靈貺昭答必呈尤異之應以告天地之和臣某

誠歡誠慶頓首頓首伏惟皇帝陛下均煦育之功敷滂瀉之澤

大和潛達闕瑞克彰發於天霄特降宮樹朝光初燭方湛湛而

不晞畏景轉炎更灑也而未已綴葉而珠璣積耀盈器而咏玉

呈姿芳襲椒蘭味兼飴醴飴音怡也然則零於庭而著異紀於事

以標奇漢宣帝徒矜往辰孰並茲日况樹有丁香之珍殿即延和

具書作晏



之號所以著芳風之遠播期聖壽於無疆事絕古今慶傳遐邇  
臣謬承渥澤獲覩殊祥抃躍之誠倍萬忭品

禮部賀白龍并青蓮花合懽蓮子黃瓜等表

非恐

一本此下注云京兆

地當為道

臣某言伏見今日日內出滄洲所進白龍見圖又出西內定禮  
池中青蓮花并神龍寺前合歡蓮子示百寮二十三日又出鹽  
州所進合歡黃瓜圖者二氣交泰萬國同和動植思協於殊祥  
遐邇畢陳其嘉應披圖按牒聖理彰明臣誠歡誠慶頓首頌首  
伏以天地非遠睿感必通靈瑞重祥累集宮禁池蓮表異靈化  
非常敷被清光徵佛書而尤絕成其嘉實驗祥經而甚稀積

中祖外遂使龍騰白質乘秋果應於金行瓜合黃中春  
重彰於土德遠通邊徼近出苑園合慶同歡周於億兆况復  
邦畿之內雨霽必時宿麥大穰嘉穀滋茂和風孕育一本作秀字靈  
氣陶蒸是皆發自帝心達於天意周流升降成此歲功惠彼群  
生自為嘉瑞臣某深惟多幸獲遇斯時觀靈貺之備臻知人和  
之溥洽無任慶抃躍蹈之至

禮部賀白鵲表

臣某言伏奉進旨宣示前件白鵲者霜毛皎潔玉羽鮮明色實  
殊常性惟馴狎臣聞聖王之德無所不至有感則應無幽不通  
惟伏陛下恩霑動植仁洽飛翔故得茲禽呈休效質伏以白者



正色式表金方鵠以知來淮南式彰冠服用符歸化之兆克耀  
太平之階臣職參禁垣獲親嘉瑞無任慶抃之至

禮部賀嘉瓜表

臣某等今日內出浙東觀察使賈全所進越州山陰縣移風鄉  
百姓王獻朝園內產嘉瓜二實同帶圖示百寮者寶祚惟新嘉  
瑞來應式彰聖德更表天心臣某等誠慶誠賀頓首頓首伏惟  
皇帝陛下保合大和緝熙庶類德馨上達神化旁行嘉瓜發祥  
來自候服質惟同帶見車書之求均地則移風知化育之方始  
雖七月而食幽主歌王業之難五色稱珍東陵詠佳實之會宗詩昔聞東陵瓜近在青門外五色耀朝日嘉賓四面會未聞感通若斯昭著者也臣等

為王京兆賀嘉蓮表王權

臣某言今日某時中使某奉宣聖旨出西內神龍寺前水渠內

合歡蓮花圖一軸示百寮者祥圖煥開異彩交映贊天地之合  
德表神人以同歡臣某誠歡誠慶頓首頓首伏惟皇帝陛下道  
協重華慶傳種德陶陰陽之粹美孕造化之精英吉慶每見於  
天心發祥必自於禁掖是使雙華擢秀連蒂垂芳香激大王之  
風影耀天泉之水沈約宋書文帝永嘉二十二年天泉池二蓮同幹煥開官沼旁映給  
園請給孤獨園指靈貺應期天龍護聖寶曆慶超於小劫神功  
允洽於大千臣某獲親昇平濫居榮寵聞瑞應而緝慶仰績事



而增歡無任抃蹈喜躍之至

為王京兆賀雨表一本表下有一字

臣某言臣昨日面奉進旨以近日少雨今月內無雨即須祈禱今日便降甘雨者天且不違神必有據密雲與綸言繼發時雨將天澤並流臣某誠歡誠慶頓首頓首伏惟皇帝陛下憂勤蒸黎慮深稼穡思彼未兆防於無形滲漉每出於湛恩變化必隨於廣運宸衷暫惕已矯御天之龍聖謨既宣遂洽漏泉之澤霽霽周布霽徒或切霽徒對切霽霽雲貌霏微四施黍稷盡成公私皆及野夫鼓舞知帝力之玄通官吏歡呼見天心之默喻臣某牧人京邑勳仰皇靈渥澤徒加涓滴無助無任感晚屏營之至

王京兆賀雨表二

臣某言臣伏見今月二十四日時雨溽降伏以聖心積念天象遷廻移造化之玄功革陰陽之常數臣某誠慶誠抃頓首頓首皇帝陛下仁育蒼生恩同亦子自頃天雨未降時稼或愆賤食時一本齋戒至誠幽達又慮宿麥無備播種失時出於宸衷特令賑貸作將字睿謨潛運甘雨遂周布濩垂陰隨聖澤而俱遠滂沱積潤與恩波而共深臣某才術無聞謬司邦甸生成必資於帝力進退何補於天工沐浴大和慙荷無極無任慶躍屏營之至

王京兆賀雨表三

臣某言今月十三日面奉進旨緣自春來少雨宜即差官精誠



祈禱者十四日臣便差官分赴靈跡其日雲陰四合至十五日  
甘雨遂降伏惟皇帝陛下言為神化動合天心未成旱漢之虞  
已積幽勤之慮衆靈受職嘗蔚且躋於南山蒼鳥初百穀仰榮滂  
霈遂霑於東作仰去声左傳百穀之仰膏雨睿謨朝降膏澤夕周知天人之  
已交識陰陽之不測然則周王徒勤於方社殷帝虔美於桑林  
豈若無災而早圖禱而先應化超前聖道貴重玄編野同歡  
傾都相慶臣之欣躍倍萬恒情

王京兆賀雨表四

臣某言臣於三月二十九日奉進旨於諸靈跡處祈雨至三十  
日甘雨遂降者臣聞惟聖有作先天不違發令而祥風已興致

而玄液旋被臣某誠欣誠賀頓首頓首伏惟皇帝陛下  
防慮道邁周王盡力勤人功超夏后聖謨廣運驅百靈以從風  
神化勞行滋五稼而流澤油雲四合膏雨溥周農壤遂一於肥  
竟交切滂灑盡霑於遐邇蒸黎詠德知必自於聖心草木欣  
榮如有感於皇化有年之慶實在於斯臣以無能謬領京邑上  
勞宸慮運此歲功無任喜懼屏營之至

賀親自祈雨有應表五

想是為外州刺史作

臣某言臣得上都院官金部員外郎韓述狀報以時雨未降親  
自於龍堂祈禱有靈禽群翔自成行列如隨威鳳以翼龍舟其  
日降雨者中伏以時或憇陽歲之常候式當聖日無害豐年陛



下敦本務農憂人閔雨宸慮所至天心自通故得瑞鳥迎舟掩

商羊之舞家語齊有一足之鳥舒翼而跳孔子曰天將大雨商羊鼓舞仙雲覆水協從龍之

微初泛洒於上官遂滂滂於率土自中徂外皆荷生成雨公及

私靡不碩茂殷后徒勤於自翦左氏春秋湯克夏不雨乃以身構於桑林翦其髮割其爪以為

犧周公空媿於舞雩周禮春官女巫巫歲早則舞雩臣以庸虛謬司垣翰有年

之慶惟聖之功臣某不任云云

柳表悉銜口而成不琢自工

宋本校正註釋唐柳先生集卷之三十七

宋本校正註釋唐柳先生集卷之三十八

表

為裴中丞賀克東平赦表枉管觀察便裴行左

臣某言伏奉月日德音以淄青蕩平褒功宥罪布告遐迩者元

十四年淄青都知兵馬使劉悟斬其節度使李師道以隆師道所管淄青登萊所密郵曹濮齊交海十二州皆平詔赦天下

臣聞肅殺之後每致陽和雷霆既施必聞膏澤謝伏惟陛下體

乾剛以運行叶坤元之翕闢百靈受職六合從風阻兵怙亂者

必就梟擒懷忠抱義者無不甄錄建甄切激其效順特加旌節之

榮謂以劉悟為義威節度使寵以元功遂兼鼎鉉之任謂田弘正加檢校司

事戎行窮賞賚之重行切死事極褒卹之憂劫脅之役盡除聚



歛之名皆去傷瘼受煦吁句老疾加恩豐財已復其征徭賜種

更盛於種陸音章嚴山川之祀神必有依申義烈之家物無不

感周王推忠厚之化漢帝歎愷悌之成太平之德斯為至盛本

作太平之業既崇然財虞巡可復告成將慶於岱宗漢典方行

講禮再榮於闕里後漢章帝過魯辛闕臣謬膺重寄獲親太和

抃蹈之誠倍萬怕品謹已施行郡邑宣示軍戎莫不動地歡呼

若醉千鍾之酒騰天鼓舞如聞九奏之音趙簡子夢遊鈞無任

慶賀踴躍之至天寶樂九奏

柳州賀破東平表元和十四年

臣某言即日被觀察使牒李師道以月日克就梟戮者梟擊

帝德廣運應命惟新靈臆廓清潘云靈臆皆切臆一說

天地自觀率土臣庶慶抃無涯謝伏惟睿文聖武皇帝陛下威

使百神德消六沴潘云依涂同徒典即計二功天降寶運時歸

太平自克夏禱吳翦蜀平蔡夏謂揚惠帝其謂李錡殊類稽顙

群疑革心唯此兇妖尚聞悖慢延議既得廟謀必臧謀一本旌

旗燭耀於洪河金鼓震驚於靈岳東岳泰山郟城自清寧同言魯之

爭鄭上問切唐郟州東平郡左傳齊地來平無俟耿陳之戰耿

昭公元年言魯爭郟為日久矣五兵永戢七德無虧左傳武含生

比堯舜之仁率土陋成康之俗介丘霧息已望翠華之來文選

賦翠華車蓋也汴水風生更起舞雲之詠千歲之統實在於斯臣守在



鸞翥獲承大慶矜躍之至倍萬常情按本更有伏以舜念克勤禹思受益無疆惟卹既聞

政理之方靡不有初願獻持盈之戒介立霧息云云

代裴中丞賀分淄青為三道節度表裴行立

臣某言伏見某月日制分淄青諸州為三道節度都團練觀察

等使者元和十四年分李師道所官十二州為二道以郵曹僕為一道淄青齊登萊為一道兗海沂密為一道表也

蛇豕之穴忽為樂郊氛沴之餘盡成和氣伏惟皇帝陛下天付

昌期神開寶曆復昇平之土宇拔妖孽之根源自西自東不遠

於指顧我疆我理咸得其區分山川備臨制之形道塗滴征徭

之便俾侯既定賜獲以寧左傳僖公十四年齊管仲曰賜異書我先君履注履所踐履之界

交之封爰從古制解曹衛之地實契雅謀左傳僖公二十八年車

甲永瘞馬牛勿用俗被雍熙之化代知仁壽之期農事載成

耨茲耨九豆切潘本作耨音加儒風重興於俎豆足使季札觀

魯更陳南籥之儀左傳襄公二十九年具季札請觀周樂見武象箭南籥者山甫祖禱復正

東方之賦蘇氏詩臣摠我遠地不獲陪賀闕庭云云

為韋侍即賀布衣竇群除右拾遺表韋侍即賀布衣

臣某伏見今月日制除布衣竇群右拾遺者臣聞直道之行四

方嚮德造人是舉天下歸心謝臣伏以竇群肥遯居貞苞蒙養

正學術精果操行堅明諳詠道貞以求其志頃守藩服特所委

知及歸朝廷輒有聞薦庶逃竊位之責以塞曠官之尤豈謂天

聽曲從聾言無發况諫諍之職故化是參擢於布衣久無其比



周行夢并林藪震驚晦跡寧慮於遺賢懷才盡思於展效臣以  
性本庸疎動無裨益唯思進拔以報恩榮區區懇誠實貫金石  
言而不發微臣敢竊於薦雄王音薦揚德必有鄰聖代式光於  
尊隗燕服王自群受命異復面陳迫以疾病接於休假注心蓄  
念寤寐兢惶無任喜躍屏營之至

為樊左丞讓官表

一本亦  
帝左丞

臣某言伏奉今月二十八日制除臣尚書左丞寵命俯臨慙顏  
自失泛大鯨之海但覺魂搖戴巨鼈之山未如恩重中臣聞尚  
書百揆翊亮萬機故天上尊北斗中樞陛下有南宮左轄正景  
孔坦諒直當時漢拜揚喬開練故事庶得自察有憚於會府諸

僕取法於京師臣實護才護先為謬登清貫擢闡起草晉泰朝  
經剖竹頒條近貽人瘼備歷中外無聞聲彩版圖載緝貢賦未  
均於九州銅印更操威儀不檢於三署次郎補缺豈易其人聖  
主求才宜難此受切謂勞求俊又側訪瓌奇壞古必使德合準  
繩言成綱紀興化致理時無間言况安上必在於薦賢危身莫  
踰於曠職倘蒙垂收紫綬謂詔書也今俯矜丹誠愚臣保陳力  
之言聖鑒有責成之地無任靦冒惶悚之極謹詣朝堂奉表陳  
謙以聞臣所讓入別狀封進

為王戶部薦李諒表

王叔  
文

臣某言臣聞知賢必進忠臣之大方擇善而居明主之要道况



臣特受恩遇超絕古今報國之誠寤寐深切是敢竭愚臣之微  
分助陛下之至明恢張羽儀弘輔治化臣其誠惶誠恐頓首頓  
首切見新授其官李諒清明直方柔惠端信強以有禮幹而甚  
文幹一本求之後來略無其比臣自任度支等副使以諒為巡  
官未及薦聞至某月日荆南奏官勅下赴本道諒置國器合在  
朝廷臣之所知尤惜其去伏望天恩授以諫官使備獻納異他  
日公卿之任斯焉取斯則聖朝無少士之名微臣緩蔽賢之罰  
無任誠懇屏營之至

為戶部王叔文陳情表

貞元二十一年三叔文母死匿喪不發置酒翰林有  
稱母疾病今當請急左右竊語曰母死已腐方焉

將何為

某言臣母劉氏今月十三日忽患暗風發動暗一本狀候非

常今雖似退猶甚虛倨都活涉及雪二切驚惶憂苦不知所圖臣唯一身

更無兄弟侍疾嘗藥難闕須更伏乞聖恩傳臣所職今臣見在

家扶持其官吏等並已發遣訖臣以庸微特久顧遇按自卑品

委以劇夙夙夜兢惶唯思答效至誠至懇夫瞻所知豈慮未效

消塵遽迫方寸蜀徐庶指心曰今失老母方寸亂矣以開塞重輕之務加焦勞憂

灼之懷雖欲徇公無由枉志况忠孝同道臣子之心許國誠每

於死生報親忍忘於顧復進退窮感昧死上陳無任惶懼懇倒

嗚咽之至一本作昧死上陳疾母劉氏疾疾  
小瘳異微臣驚蹇再效無任云云



代裴中丞謝討黃少卿賊表

元和十四年詔桂管觀察使裴行立討黃洞蠻

臣某 云云 即日奉事官米蘭迴伏奉手詔云者臣聞虜革既

平雖疥癬而必去 國語申齊曰夫齊魯警諸侯疥癬也 豺狼已斃在狐鼠而宜除

臣某謝伏惟元和聖文神武法天應道皇帝陛下受命上玄底

寧下土兇渠盡殄威武載揚蠢爾腥膻尚聞凌暴靈旗斜指 漢

帝代粵以壯荆楚備日月北斗登龍為泰一靈旗為兵禱則大史奉以指所伐國 金獸俯臨 即銅虎符

三軍知必勝之方萬姓喜永清之路微臣忝司戎律親列顏行

行戶即切前漢嚴助傳注顏行酒鴈行在前行故曰顏也 躡伏波之舊規 光武時伏波將軍馬援擊交附乘

下頰之故事 漢武帝元鼎五年遣伏波將軍路博德出桂陽不

謂之河 盡瘁事國期命於戈示不宿于家思奮身于原

野即以今日某時出師就道使披榛蹶石摩壘陷堅

左傳曾公十二年

而還 蕩清海隅永息邊激切以才非充國敢自贊於無踰

充國曰無踰於老臣 志慕孟公庶追蹤於不伐 論語孟之 謬承重委寤寐

兢惶無任感息隕越之至

為裴中丞舉人自代伐黃賊表

伏以其官器宇端方風姿詳雅謙虛內敏籌略共推前佐湖南

悉心匡佐後歷郡掾深負政聲惠愛在人姦邪屏息勤勞已著

幹蠱無倫今黃賊尚據荒陬大巢未覆倘以其代其之任必能

掃蕩氣稜 氣音分稜子鳩 廓清海濱竊惟斯人雅堪厥職云

為崔中丞請朝覲表

性管觀察崔詠或謂崔能者非



臣歷刺三州連擢二府外任逾紀入覲無階就日望雲魂飛心  
法伏惟睿聖文武皇帝陛下覆載無私遐迩同致復昇平之故  
事縱前聖之高蹤中外踐更出入迭用臣以虛薄叨受恩榮徒  
竭夙夜之心未申朝夕之敬美威咫尺誠寤寐而無違雲漢昭  
回固瞻仰而何及是以前在朗寧邕州封章累上及移臨桂桂  
江府星紀夔周微衷尚備於戴盆積望徒懸於窺管矣霍之誠  
彌切大馬之戀逾深人欲天從於茲未驗下情上達終冀不誣  
敢瀆宸嚴罄陳丹懇伏乞賜臣除替許至闕庭前蹈舞於群寮  
備班行於散地足趨中禁日親大明俾成九族之榮以盡百生  
之幸非敢竊國寶具五獻之禮周禮希康侯三接之恩周禮一覲

積為死為足無任懇迫激切之至

代柳公綽謝上任表

元和六年為潭州刺史開而觀察使

肅恭休命晨夜趨程祗荷寵私不遑寢食以月日到所部上訖

云臣聞古之制爵祿者爵以居有德祿以養有功臣本書生

宦不期達值其皇帝睿聖文武皇帝文明撫運大闡玄猶搜采衆才幸

忝甄錄歷踐中外星霜屢移曾無消塵上谷鴻造忘其薄陋委

之雄藩顧無綏馭之能謬忝澄清之寄將何以敷宣皇澤晉諭

天慈唯當憂慙以為防視俗而為教陶除細故務安黎獻庶幾

清靜無擾以慰遠人臣不勝忝冒荷恩之至

代李朔襄州謝上任表

元和十二年



捧對絲綸慙悻無地拜命兢悚不知所裁臣凡賤瑣才智略無  
取幸賴先臣緒業朝忠父李晟累忝國恩天澤曲流遂司節制寄深分  
聞任重專征顧無將領之才謬處衆人之上豈謂宸私軫念仁  
育爲心霽澤無涯德普慶降士衆感悅咸思竭忠遂得潛師暗  
入賊境不竟兇渠就戮吳元此皆聖謨豈敢叨天以爲己力仰  
荷殊造重於立山臣以日月上訖謹當敷宣皇化普諭聖慈綏  
撫三軍又安百姓真以塵露上答鴻私臣云

代節使謝遷鎮表

鴻私曲臨獨越夷等祇荷明命寤寐不遑臣才非器能謬膺仕  
進雖竭盡爲劣力效忠勤冀其憊尤敢望宦達某宗皇帝德宗也

不以臣儒術淺薄超授禮官尋遷正即遂忝符郡某皇帝明皇也  
不遺臣小善擢處諫曹叨承厚恩備職藩翰顧惟瑣劣多虧實  
恩伏遇陛下憲宗也德紹唐虞無私庶政臣尸素歲久謹請宜加  
豈冀稊臬更遷重鎮再忝澄清之寄仍同猷替之榮將何以上  
答天慈下安氓庶臣當務脩農稼率勵遠人鋤其姦慝以副勤  
卹無任云

爲劉同州謝上表

或云劉公濟

臣某言伏奉某月日制除臣同州刺史兼本州防禦營田長春  
宮使某月日到州上任訖臣初奉綸言震林無極及臨所部驚  
懼逾深役軀莫報於乾坤陳力無裨於造化臣某誠惶誠恐頓



首頓首臣出自諸生不習為吏有恆懦之質童云臣音臣儒無奴卧切弱也

區處之能託跡儒門乏仲弓南面之德委身即署闕馮唐論將

之對常懼叨冒清列蕪穢聖朝豈意天聽忽臨鴻恩荐及八命

作牧一麾出守按自下位寄之雄藩非臣庸瑣所宜膺據况馮

翊州即同密邇王都古稱三輔爰自近代命秩逾崇有兵食之虞

有宮室之制皆公卿出相出入由之仰徵甲令俯窺圖記跼踏

無地張云跼蹙足切以兢以惶恩重命輕不知所效庶當刻精

運力一本作剛夙夜祇勤上奉雍熙勞流愷悌以日繫月儻或

有成庶幾之心慄七增惕徒望雲而就日喜近帝鄉將擊壤以

成風共歌堯代天威咫尺敢布丹誠無任悃懇屏營之至

代裴行立謝移鎮表穆宗時恐非宗元所作

臣言即駕便道之藩祇荷寵榮不敢寧息臣某爰自弱齡即承

推擇階緣試吏累忝清資先聖憲宗以臣粗知兵要俾統師徒交

蠻俶擾黃賊不馴奉詔俾臣撲滅氛祲士衆賈勇賈音古左傳成公二年欽

勤知臣持深復洗瑕責夙夜感戴捐軀有期徒增憤勇力未從

願微臣不幸豐故重重泣血摧肝載崩載咽陛下穆宗龍興御

極寰海求清道暢八埏延種二音入方也威加九域鴻和普洽靡不周

泰伏蒙累垂休命遂越等夷循省何人過膺抽擢况臣比臨此

鎮備更夷險故材舊壤宛在目前裴行立前為安南經畧吟復為都護雖則殊鄉



還同衣錦量巨鼇之力未足負恩猶蚊蚋之微焉能報德將何  
以宣揚聖造撫慰疲羸唯當遵守詔條貶棄奸慝平勻催賦示  
以義方特清淨以臨人守無私以奉國重修前志再礪戈矛展  
駑駘之効申鷹犬之用庶荒陬夷獠瓜老二音西南夷名盡沐皇風率土  
生靈備聞斯慶微臣之志也限以云

代章永州謝上表

臣某言伏奉月日制書除臣永州刺史以月日到州上訖受命  
若驚臨職彌懼臣以無能累更事任神州赤縣實所備嘗過量  
逾涯每深兢惕不謂聖恩推擇濫駕朱輪祿秩徒增詎施乳哺  
之惠服命虛受寧與襦袴之誥况此州地極三湘俗參百越左

羅者推髻之半

推傳追切髻音計推髻可貌石田之餘

十一年猶石田無所用之

曠牧守於再秋彌驕獷俗

廣古猛切說文大不可附也代征賦

於三郡重困疲人分災本出於一時積弊遂餘於十稔撫安未  
易知法出而姦生子育誠難懼力勞而功寡夙夜憂切不敢違  
寧庶當宣布天慈奉揚神化以日繫月儻或有成少禪愷悌之  
風用答生成之造無任感恩殞越之至

謝除柳州刺史表

元和十年

諸本此表首皆云此奉三月十三日制除臣使持節柳州諸軍事守柳州刺史六月二十七日到任上訖  
早以文律參於士林德宗選於衆流擢列御史陛下嗣登寶位  
徵臣官在禮司百寮稱賀皆臣草奏臣以不慎交友旋及禍訕



張云 訕許容切  
一本作誣字  
聖恩弘貸謫在善地累更大赦獲奉詔追遠離

十年一見宮闕親受朝命牧人遠方漸輕不宥之辜特奉分憂之寄銘心鏤骨無報上天謹當宣在詔條竭盡驚寒皇風不異於遐邇聖澤無間於華夷庶答鴻私以塞餘罪云

柳州謝上表 貞元中代人作

臣某言伏奉詔書授臣柳州刺史以今日二日至部上訖謝臣前歲以久停官秩去年蒙聖恩除替使欲裂裳裹足趨赴京師以舊疾所嬰彌年未逾逮及今夏始就歸途襄陽節度使于頔徒歷切與臣早歲同官見臣當暑在道懇留在館尋假職名意欲切臣非臣所願伏惟陛下光被之德道以洽於區中憂濟之勤

心每備於天下常以萬邦共理必藉於循良一物不遺尚延

愚貌墨角切假臣寵渥重領方州駕駘復效於奔馳枯朽更同

於華秀謝中臣聞潢汚易竭抑有朝宗之願犬馬無諛猶知恋主

之誠揣分則然惟天知鑒况臣昔因奉官漢書仕諸侯為左官一紀于外

于牟馳心於魏闕莊子中山汲黯積思於漢庭豈非夫人獨無

斯愆去就者榮辱之主朝廷者仕進之源臣子之宜忠貞所志

臣雖心同犬馬而分比潢汚幸躡康衢意非徃蹇臣之此誠口

不能喻意欲悉達文非盡言此臣所以自咎自恨復乖志願猶

其苦心勵節上奉詔條惠寡鄙貧下除人瘼恭宣皇化少答鴻

私不勝恍欣之至 童云恍音荒博推曰忘也



代廣南節度使舉裴中丞自代表

或云當作桂中丞  
恐非子厚所作

前件官器宇深沉天才間出爰從撫字逮於察廉所職恪勤庶

務皆勸日者安南夷獠反叛害其連帥元和十四年安南賊陽

象古及妻子官毒癘黎人痛切某皇帝以其威惠茂著自某州

刺史俾之撫臨是月憲宗以唐州刺史夙夜經行盡除兵器賊

徒識恩黨種歸義仲武至安南遣人說其炎荒之俗靡不底寧

後改鎮容州穆宗長慶二年以中勳效彌顯澄清庶類邁德前

修深負能名合遷重鎮臣自惟凡懦不逮前人伏乞天恩廻授

某非惟旌德是亦飾能庶微臣免尸祿之憂某獲無私之舉

奏薦從事表

其績茂戎軒才優管記操刀必割豈謝剽犀剽音亮之轉二

筆不休寧慙倚馬世說相宣武北征夜亮從前時被責免會且早

殊可况早登科選夙洽時譚匪惟詞藝雙美抑亦器能多適比

於流輩頗為滯淹輒敢薦陳伏希獎錄

代廣南節度使謝出鎮表元和四年鄭綱  
罷相五年出鎮

鴻濤曲臨惶駭交集捧對綸綍不知所圖臣謝中臣聞蕭曹佐漢

六合為家冀望匡周萬方同軌臣幸以芻蕘累忝殊榮天德荐

臨遂加台政不能翊宣明聖增日月之光俾兇渠勦絕勦子

用康寧寔由臣不稱職使此艱患伐檀興議負乘招譏常懷履



鍊之虞鍊音速敢望專征之寄獻俘未遠展効有期希此微功上

答殊造無任云

為楊湖南謝設表貞元十八年揚憑

臣某言中使某乙至奉宣聖旨賜臣長樂驛設者恩榮特殊宴  
飲斯及顧茲厚禮猥集微躬臣某誠歡誠慶頓首頓首臣以多  
幸屬此昌時任重方隅職忝文武其受素飡之刺知無肉食之  
謀左傳莊公十年曹劌曰以憂以惶寢寐無措豈謂鴻恩繼至  
肉食者鄙未能遠謀豐膳爰來陸海兼陳飴醴日設飴一本庶當奉揚聖澤覃布遠  
一作酒人流愷樂於皇風均乳哺於赤子少陳微效上答殊私無任感  
恩欣躍之至

為武中丞謝賜櫻桃表武元

臣某言中使某乙至奉宣聖旨賜臣櫻桃若干者天降特深時  
珍降寵驚里巷恩溢圓方臣某誠喜誠懼頓首頓首伏以含  
桃之羞時令攸貴月令仲夏羞以含桃况今採因御苑分自天厨使發九  
霄集繁皇而積耀味調六氣承湛露而不晞芻豢而外被恩光  
皆疾智才請二切目睢也適口而中含渥澤顧歎養食彌切自公豈圖君子  
所先遂馱小人之腹左傳昭公二十八年願以小人之心屬馱而已馱息廉切無任

云

謝賜時服表代人

祗荷寵私啓處無地臣中臣又忝朝行歷職無效在再星紀偷



榮歲時不能少益聖猷以副深寄致使賊遺君父後漢耿弇云艱難未息合處嚴憲以正國章伏以陛下恢天覆之恩廣地載之厚不循茲典俾同冕紱重劇丘山捧戴以入閨門空知夕惕裁縫而為衣服固可書行內省疲駑將何答效

謝賜端午綾帛衣服表

綸言曲臨寵服荐至跪奉殊錫慶躍交并臣謝中臣謬典方州效微涓滴叨承大貺榮重立山非才忝恩俯伏慙荷朱明啓節御府賜衣沐聖澤而溟海方深被仙衣而鶴龜齊壽馳心向闕踴影望天慙分五岳之憂莫副九重之詔臣無任云

京本校正註釋唐柳先生集卷之三十八



程